



GOGO BETETASUNARI BURUZKO INKESTA.

ZOKKETA: IPHONE 13 PRO MAX

1.- ERAKUNDE ANTOLATZAILEA ETA SARIA

Caja Laboral Popular Coop. de Créditos —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, iPhone 13 Pro Max bat zozkatuko du, nazio-mailako inkesta baten SUSTAPENAREN barruan.

2.- ZOKKETAREN ESPARRUA ETA DOAKOTASUNA

Zozketa hau 1991ko azaroaren 8ko 4/1991 Legeak, Euskal Autonomia Erkidegoan joko arautzen duenak, ezarritakoari jarraikiz antolatu da, eta doakoa eta borondatezkoa izango da. Hortaz, saria eskuratu ahal izateko, ez da kuota edo kopuru gehigarririk ordaindu beharko.

3.- ZOKKETAREN HELBURUA ETA PROZEDURA

Sustapen bat (1) egingo da, eta honako hau izango da saria:

- iPhone 13 Pro Max bat. Saria ausazko sistema informatiko baten bidez zozkatuko da, ezarritako epean baldintzak betetzen dituzten pertsonen artean. Zozketa 2022ko irailaren 12an egingo da.

Saria eskuratu ahal izateko, baldintza hauek bete beharko dira:

- Sustapenean 18 urtetik gorako bezeroek hartuko dute parte. Horretarako, LABORAL Kutxaren inkesta bete beharko dute, online, telefonoz edo SMS bidez, 2022ko uztailaren 5etik 30era bitartean (biak barne).
- Irabazleak, saria jasotzeko eskubidea izatekotan, egunean eta positiboan izan beharko ditu entitatearekin kontrataturiko produktuak edo zerbitzuak eta harreman ekonomikoa. Behin soilik har daiteke parte pertsona fisiko gisa.

Sustapenean parte hartzeak berekin dakar partekatutako edukien gaineko jabetza intelektuala eta irudi-
eskubideak lagatzea. Hori horrela, bidalitako partaidetzaren ondorioz legozkioken ustiapen-
eskubide intelektualak, industrialak eta/edo irudikoak laga behar dizkio parte-hartzaileak LABORAL Kutxari.

4.- IRAUPENA ETA EREMUA

Jarduera Espainiako lurraldean gauzatuko da.

Sustapenean parte hartzeko epea 2022ko uztailaren 5ean hasi eta 2022ko uztailaren 30ean amaituko da. Zozketa 2022ko irailaren 12an egingo da.

5.- PARTE-HARTZAILEAK

Honako hauek hartu ahal izango dute parte sustapenean:

- 18 urtetik gorako bezeroek. Horretarako, LABORAL Kutxaren inkesta bete beharko dute, online, telefonoz edo SMS bidez, 2022ko uztailaren 5etik 30era bitartean (biak barne).

Honako hauek ezingo duten parte hartu zozketan:

- LABORAL Kutxako langileak, baita taldeko, partaidetzako eta antzeko sozietatekoek eta kanpainarekin zuzeneko zerikusia duten pertsonen ere.



LABORAL Kutzako bezeroek ez dute partaidetzarik eskuratzeko edo saria irabazteko eskubiderik izango, baldin eta:

- LABORAL Kutzaren aurrean berankortasun-egoeran edo beste edozein egoera irregularretan badaude zozketa indarrean dagoen bitartean, zozketa egiten den egunean edo saria emateko unean.
- LABORAL Kutzaren iritziz iruzurrez jokatzeko badute zozketan.

6.- IRABAZLEA/IRABAZLEAK ETA ORDEZKOAK AUKERATZEA ETA SARIA JAKINARAZTEA ETA EMATEA

3. atalean zehaztutako sariaren zozketa 2022ko irailaren 12an egingo da, ausazko sistema informatiko baten bidez. Bidezko arrazoiren batengatik egun horretan ezin bada zozketa egin, hurrengo egun baliodunean egingo da.

Saridunak LABORAL Kutzari esan beharko dio saria onartzen duen ala hari uko egiten dion, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean.

Parte-hartzaileak sariari uko egiten badio edo berarekin harremanetan jartzerik ez badago, ez du ordainik jasotzeko eskubiderik izango. Bezero saridunak sariari uko egiten badio, berarekin harremanetan jartzerik ez badago edo lehenago azaldutako baimena ematen ez badu, saria ordezkoren zerrendako lehen postuan dagoenari esleituko zaio, zozketan parte hartzeko ordena errespetatuz. Saridunak ezingo du sari horren ordezkorik beste bat eskatu.

Sariduna saria jaso aurretik hil bada, horretarako berariaz aukeratutako ordezkori emango zaio.

7.- SARIAREN ZERGA-SISTEMA

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legea, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Sariari aplikatuko zaion zerga-atxikipenari dagokion zenbatekoa LABORAL Kutzak ordainduko du.

Era berean, LABORAL Kutzak bere gain hartuko ditu Zerga Administrazioaren aurrean dagozkion informazio-betebeharrak.

8.- IRUZKINAK EDO IRITZIAK ARGITARATZEA

Ez da onartuko iruzkin edo iritzirik, horien edukia desegokitzat jotzen bada, iraingarriak, laidogarriak edo diskriminatzaileak badira, edo hirugarrenen eskubideak urra baditzakete. Era berean, ez da onartuko partikular baten aurkako iruzkinik, ohorerako, norberaren eta familiaren intimitaterako eta norberaren irudirako eskubidearen printzipioak urratzen baditu. Ez dugu gure gain hartuko inolako erantzukizunik parte-hartzaileek zozketan egiten dituzten iruzkinen eragindako kalteen ondorioz, nahiz eta horiek beste parte-hartzaile batzuen sentsibilitatea mindu.

9.- ERRESERBAK ETA MUGAK

Iruzurra egin dela ulertuko da honako kasu hauetan, adibide gisa baina inolako mugarik jarri gabe: webgunearekin zerikusirik ez duten aplikazioen balizko erabilera detektatzen bada, zerbitzariari abusuzko kontsulta-kopurua egiten bazaio, eta itxuraz abusuzkoak edo/eta asmo txarrekoak diren portaerak antzematen badira.

Sustapenean zehar aipatutako egoeraren bat egiaztatzen bada, parte-hartzailea sustapenetik kanpo geratuko da automatikoki, eta saria eman bazaio, galdu egingo du.

LABORAL Kutzak ez du bere gain hartuko inolako erantzukizunik, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutzak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.



LABORAL KUTXAK eskubidea izango du sustapenaren manipulaziotzat edo faltsifikaziotzat har litekeen edozein egintza betetzen duten pertsonen aurkako akzio judizialei ekiteko.

LABORAL Kutxak ez du bere gain hartuko inolako erantzukizunik sustapenean parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez eskusiboki, Internet bidez orrialdeetan sartzean eta parte hartzeko erantzunak bidaltzean gerta litezkeen akatsengatik gertatzen diren kalte-galeren ondorioz.

LABORAL Kutxak eskubidea izango du sustapenaren xede onerako aldaketak egiteko, horretarako bidezko arrazoiak daudenean edo sustapena oinarri hauetan jasotzen den moduan burutzea galarazten duten ezinbesteko arrazoiak daudenean.

LABORAL Kutxak eskubidea izango du sustapenaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litezkeen kalte-galeren ondorioz.

10.- DATUEN BABESA

Zure datuen tratamenduz arduratzen den enpresa LABORAL Kutxa da (IFZ: F-75076935; egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da badakiela LABORAL Kutxak bere datu pertsonalak tratatuko dituela, zozketan parte hartzea tramitatzeko eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola, adibide gisa baina inolako mugarik gabe, prentsaren, irratia, telebista, Interneten eta abarren bidez), datu pertsonalak tratatzeko pertsona fisikoak babesteari eta datuen zirkulazio libreari buruzko 2016ko apirilaren 27ko 2016/679 Arautegian (EB) eta datu pertsonalen babesari eta eskubide digitalen bermeari buruzko 2018ko abenduaren 5eko 3/2018 Lege Organikoan xedatutakoaren arabera. Aipatutako jarduera horiek ez dute ordainik edo onurarik jasotzeko inolako eskubiderik emango.

Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu, zure nortasuna egiaztatuz (NANaren edo horren pareko agiria emanaz) eta protecciondatos@laboralkutxa.com helbide elektronikora idatziz, edo, bestela, ohiko postaren bidez honako helbide honetara idatziz: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa hemen irakur dezakezu:
<https://www.laboralkutxa.com/eu/datuen-babesa>.

11.- OINARRIAK ONARTZEA

Sustapenean parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo haietako batzuk ez dituela onartzen, sustapenetik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa betetzeko beharrik izango. Oinarri hauek www.laboralkutxa.eus webgunean kontsulta daitezke.

12.- LEGERIA APLIKAGARRIA ETA JURISDIKZIOA

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.